



INSTITUT ZA INTELKTUALNO VLASNIŠTVO  
BOSNE I HERCEGOVINE

ИНСТИТУТ ЗА ИНТЕЛЕКТУАЛНУ СВОЈИНУ  
БОСНЕ И ХЕРЦЕГОВИНЕ

## MEMORANDUM O SARADNJI

između

PRAVNOG FAKULTETA UNIVERZITETA U SARAJEVU

Obala Kulina bana 7, 71000 Sarajevo

Zastupanog po Prof. Dr. Zinki Grbo, dekanici

i

INSTITUTA ZA INTELKTUALNO VLASNIŠTVO BOSNE I HERCEGOVINE

Kneza Domagoja bb, 88000 Mostar

Zastupanog po gospodinu Josipu Merdži, direktoru

Preambula

U skladu sa principima uzajamnosti i realizacije zajedničkih ciljeva i interesa, Pravni fakultet Univerziteta u Sarajevu (dalje u tekstu: Pravni fakultet) i Institut za intelektualno vlasništvo Bosne i Hercegovine (dalje u tekstu: Institut) zaključuju sljedeći Memorandum o saradnji (dalje u tekstu: Memorandum) s namjerom da na njegovim osnovama uspostave blisku institucionalnu saradnju u organizovanju, podsticanju i unapređenju pravne nauke, prakse, te obrazovanja u domenu prava intelektualnog vlasništva. Kao poseban cilj ovo Memoranduma, Pravni fakultet i Institut (dalje u tekstu zajedno: Strane Memoranduma) tretiraju uređenje procesa realizacije studentske/stručne prakse studenata Pravnog fakulteta iz nastavnih predmeta naučne oblasti Pravo intelektualnog vlasništva u okviru Instituta.

## MEMORANDUM O SARADNJI

I

Pravni fakultet Univerziteta u Sarajevu i Institut, u cilju stručnog i praktičnog usavršavanja studenata Pravnog fakulteta, ovim sporazumom uređuju način i uslove realizacije studentske/stručne prakse u okviru Instituta kako slijedi:

- Studentska/stručna praksa se temelji na principima utvrđenim u čl. 135, st. 3 d) Zakona o visokom obrazovanju Kantona Sarajevo, čl. 104, st. 2 f) Statuta Univerziteta u Sarajevu i u Odluci o studentskoj/stručnoj praksi za studente dodiplomskog univerzitetskog studija prava (I ciklus studija) na Pravnom fakultetu.



INSTITUT ZA INTELEKTUALNO VLASNIŠTVO  
BOSNE I HERCEGOVINE

ИНСТИТУТ ЗА ИНТЕЛЕКТУАЛНУ СВОЈИНУ  
БОСНЕ И ХЕРЦЕГОВИНЕ

- Cilj studentske/stručne prakse u okviru Instituta je da se studentima omogući praktični i stručni rad u toku studija, te razvijanje i usvajanje praktičnih aspekata rada na Institutu u domenu prava intelektualnog vlasništva.
- Praktično upoznavanje studenata Pravnog fakulteta sa organizacijom i radom Instituta će se obavljati na način da će podsticati izvršavanje nastavnog plana i programa Pravnog fakulteta i da će biti usklađeno sa redovnim obavezama studenata, te mogućnostima i kapacitetima Instituta.
- Ciklus obavljanja studentske/stručne prakse studenata Pravnog fakulteta na Institutu će se organizovati više puta u toku akademske godine, zavisno od rasporeda nastavnih i ispitnih aktivnosti studenata i opterećenosti zaposlenih u Institutu svojim redovnim radnim obavezama.
- Predstavnici strana Memoranduma će se periodično, a najmanje jednom godišnje za narednu akademsku godinu, dogovarati o organizovanju ciklusa studentske/stručne prakse.
- Strane Memoranduma će nastojati da se u okviru realnih mogućnosti organizacije rada Instituta što veći broj studenata upozna s radom ove institucije i rješavanjem pravnih pitanja u domenu intelektualnog vlasništva, koje su u njenoj nadležnosti.
- Ciklusi stručne/studentske prakse će se realizirati online ili u prostorijama Instituta (Mostar, Sarajevo i Banja Luka), u skladu sa epidemiološkim uslovima i prilagođeno realnim potrebama i mogućnostima strana Memoranduma.

## II

Radi ostvarenja ciljeva Memoranduma, a posebno studentske/stručne prakse, predstavnici strana Memoranduma će:

1. Za svaku pojedinu grupu studenata/nastavni predmet iz naučne oblasti Pravo intelektualnog vlasništva, odnosno ciklus studentske/stručne prakse, utvrditi program rada zavisno od trenutnih aktivnosti na Institutu, a koji će osobito sadržavati: temu prakse, dinamiku rada, broj sati, termin i metod izvođenja prakse (online, uživo u prostorijama Instituta ili kombinovano).
2. Nastojati da organizuju posjete i predavanja predstavnika Instituta na Pravnom fakultetu na odgovarajuće teme iz oblasti prava intelektualnog vlasništva.
3. Nastojati da organizuju posjete i predavanja predstavnika Pravnog fakulteta na Institutu na odgovarajuće teme iz oblasti prava intelektualnog vlasništva.
4. Nastojati da organizuju zajedničke edukativne događaje iz oblasti prava intelektualnog vlasništva.
5. Nastojati da organizuju druge aktivnosti koje imaju za cilj unapređenje pravne nauke, prakse, te obrazovanja u domenu prava intelektualnog vlasništva.

## III

Konkretni sadržaji i vidovi drugih institucionalnih oblika saradnje, koji se temelje na zajedničkim ciljevima i interesima Pravnog fakulteta i Instituta, biće precizirani posebnim sporazumima između strana Memoranduma, a na njegovom temelju i u njegovim okvirima.



INSTITUT ZA INTELAKTUALNO VLASNIŠTVO  
BOSNE I HERCEGOVINE

ИНСТИТУТ ЗА ИНТЕЛЕКТУАЛНУ СВОЈИНУ  
БОСНЕ И ХЕРЦЕГОВИНЕ

#### IV

Ovaj Memorandum je zaključen na period od pet (5) godina i stupa na snagu danom njegovog potpisivanja od strane obje strane Memoranduma.

Sadržaj memoranduma se može mijenjati u pismenoj formi uz saglasnost obje strane Memoranduma.

Svaka strana Memoranduma isti može raskinuti pisanim putem. Raskid stupa na snagu šest (6) mjeseci nakon dostave izjave o raskidu.

Memorandum je sačinjen u četiri (4) istovjetna primjerka, po dva (2) za svaku stranu Memoranduma.

Sarajevo, dana 20. 12. 2021. godine

Za Institut:



Josip Merdžo  
Direktor

Za Pravni fakultet

Prof. Dr. Zinka Grbo  
Dekanica

